

SCRIPT OF MORNING GOJRI NEWS BULLETIN 20MAY 2025 1015HRS

ما رنینگ گو جری نیوز بلیٹن مو رخہ 20 مئی 2025

یوہ آکا شوانی جموں ہے محمد آسف تیں خبر سُنو۔

CM MEETING

جموں کشمیر غا وزیر اعلیٰ عمر عبداللہ نے جاتے تہاڑے عہدے داراں غی اک میٹنگ بلا غے کھر کھوٹاں تے شہری بارے محکمہ تے ایجنسیاں ناں نوا سر تشکیل دتا جان بارے کم کاج غو جاپیزو لیو میٹنگ غے دوران کھر کھوٹاں تے شہری ترقی بارے محکمہ غی کمشنر سیکرٹری منڈپ کور نے وزیر اعلیٰ ناں محکمہ غی نوا سر ایجنسیاں ناں تشکیل دتا جان غے نال نال پورا جموں کشمیر مانہ متعلقہ محکمہ غی طرفوں خدمات مہیا کران غا کم مانہ صدار لیان بارے تفصیلی جانکاری دتی محترمہ کور نے میٹنگ مانہ باہ وی جانکاری دتی ہے جے مالیاتی منظوری لین بارے منصوبہ غی مدد نال جموں کشمیر غا شہری علاقہ انہ مضبوطی لیے غی۔

SHIVRAJ IWT

محکمہ زراعت تے کساناں غی پلائی بہتری غا مرکزی وزیر شیوراج سنگھ چوہان غو کہنہ ہے جے سند تاس آبی مہا ید غے تحت راجستھان ہریانہ پنجاب تے ہماچل پردیش رپا سیان ناں متو فادو لبے غو وزیر موصوف جاتے تہاڑے نوی دہلی مانہ کساناں غی بڑی پیڑ نال خطاب کرتا واں بول رہیا تھا اس موقع ور بولنا واں اُننے یو وہ کیو جے اُن آلا وقت مانہ نوی حکمت عملی تیار کی جے گی تاں جے مزید دوجی ریاستاں ناں وی اس پانی تیں متا توں متو فادو پو جاپو جاسکے۔ جناب چوہان نے یو وی کہو جے پاکستان واسطے سندھ تاس پانی مایدہ ناں معطل کرنو اک تاریخی فیصلو ہے تے پاکستان ناں ان دریاواں غو پانی مہا کرانو بھارتی کساناں نال بڑی نا انصافی ہے۔

SIA CHARGESHEET

ریاستی تحقیقاتی ایجنسی نے 15 نومبر سن 2023 مانہ ضلع پونچھ غی سرنکوٹ تحصیل مانہ قلم اکن مندر ور گرنیڈ حملو کرن غا سلسلہ مانہ 2 دبشت گرداں غے خلاف چارج شیٹ ڈال کی ہے واضع رہ جے یہ چارج شیٹ بڑی سفید سرنکوٹ غا سینک عبدل عزیز تے نظراحمد عرف نظیر الیاس جہپرو جے اس ویلے پاکستان مانہ بسنیک ہے غے خلاف ڈال کی گئی ہے تحقیقات مانہ پتو لگو ہے جے عبدل عزیز نے نظیر احمد غا کہن ور سرنکوٹ مانہ قلم مندر ور 15 نومبر سن 2023 مانہ حملو کیو تھو۔

DAR VIKSIT KRISHI

زراعت تے گرہیں ترقی بارے محکمہ گا وزیر جابود احمد ڈار نے جاتے تہاڑے سیول سیکرٹریٹ سرینگر تیں بکھ بکھ میٹنگاں مانہ ویڈیو کانفرنس غے زریوے شمولیت کی واضع رہ جے حکومت غی طرفوں وکست کرشی سنکلیپ نامی مہم چلان غو مقصد کساناں ناں باختیار بنانو ہے واضع رہ جے یاہ میٹنگ کرشی بھون دہلی غی طرفوں منعقد کرلی گئی تھیجس غی سدارت محکمہ زراعت غا مرکزی وزیر شیوراج سنگھ چوہان کر رہیا تھا واضع رہ جے جناب چوہان نے تمام ریاستاں تے مرکزی زیر انتظام علاقہ گا متعلقہ وزیراں ناں کہو ہے کہ وہ 29 مئی ناں شروع ہون آلی اس مہم واسطے تیاری کریں۔

PM MKB

وزیر اعظم نریندر مو دی ملک تے بیرون ملک رہ رپا بھارتی شہریاں سنگ 25 مئی ناہہ آکا ش وانی ور من کی بات پروگرام مانہ اپنا خیالات سانجہ کریں گایاہ ماہوار ریڈیو پروگرام غی 122 ویں قسط وے غی۔ لوگ اپنا خیالات تے تجویز ٹول فری نمبر 1800117800 ور ڈال کر غے روانہ کر سکیں۔ اس توں علاوہ نریندر مو دی ایپ یاہ فرما ی گو اوپن فورم ور وی اپنا خیالات تے تجویز روانہ کی جاسکیں یہ تجویز اس مہینہ غی 23 تاریخ توڑی ہی قابل قبول ویں گی۔ یوہ پروگرام آکا ش وانی، دور درشن، اے آئی آر نیوز ویب سائٹ تے نیوز آن آر مو بال ایپ ور نشر تے ٹیلی کاسٹ کیو جے گو۔ اس توں علاوہ یوہ پروگرام اے آئی آر نیوز، ڈی ڈی نیوز تے وزیر اعظم غا دفتر تے اطلا عات و نشریات غی وزارت غا یوٹیوب چینل ور وی براہ راست نشر تے ٹیلی کاسٹ کیو جے گو۔ آکا ش وانی اس پروگرام غی بندی نشریات غے فوراً بعد اس ناہہ علاقہ قلم زبانان مانہ وی نشر کرے گو۔

TIRANGA RALLY

سینٹرل یونیورسٹی آف جموں نے جاتے روز اک ترنگا ریلی کڈی جس غی مہارت یونیورسٹی غا ویس چانسلر پروفیسر سنجیو جین نے کی واضع رہ جے یاہ ترنگا ریلی حالیہ تہاڑیں بھارت غی طرفوں پاکستان غے خلاف اوپریشن سندروں انجام دین غا سلسلہ مانہ کڈی گئی ریلی مانہ یونیورسٹی غا بکھ بکھ شوباں گ ا طالب علماں تے آساترہ سمیت دوجا عملہ نے جبالوطني غا جزیہ غے نال شمولیت کی۔

DC RAJOURI

راجوری غا ضلع ترقیاتی کمشنر ابھیشیک شرما نے جاتے روز عہدے داراں غی اک میٹنگ بلاغے حالیہ تہاڑیں بنا پار تیں ہوا۔ ای گولہ باری غے دوران متاثر ہوا۔ ای پنچا پناں مانہ بنکر تعمیر کرنبارے تفصیلی جانکاری حاصل کی میٹنگ غے دوران تفصیلی جانکاری حاصل کرن توں بعد ڈی سی موصوف نے کہی وہے جے اندازو لاغے بنکراں غی تعمیر ناں یقینی بنایو جے گو تاں جے بنا پار تیں ہون آلی گولی باری تیں اپنا شہریاں غی جانناں ناں بچایو جاسکے۔

DC POONCH

پونچھ غا ضلع ترقیاتی کمشنر وکاس گنڈل نیجاتے روز ایک میٹنگ بلاغے سماج غی پلا۔ ای بہتری بارے محکمہ غا کم کاج غو جازو لیو میٹنگ گے دوران کم کاج غو تفصیلی جازو لیتا واں جناب گنڈل نے متعلقین ناں ہدایت کی این جے ضلع مانہ بکھ بکھ سکیمناں ناں زمینی سطح ور علاغے منظر مانہ کھلا وا آخری شخص توڑی فادو پو جابو جے میٹنگ مانہ بیوہ پنشن برا پا پنشن تے جسمانی طور ور ادمانو لوکاں غی خاطر پنشن بارے تفصیلی جانکاری وی حاصل کی گئی۔

RAMBAN FISHERIES

مچھیراں غی مالی حالت مانہ سدھار لیان غی خاطر رام بن غی انتظامیہ متی ساری پلا۔ ای بہتری غی سکیمناں ناں علان بارے کم کر رہی ہے واضع رہ جے مچھلی پالن بارے محکمہ غی طرفوں سکیم ناں علان ور زور دتو جارہیو ہے تاں جے مچھراں غی آمدنی دوری کی جاسکے واضع رہ جے اس سکیم غی خاطر زراعت بارے بین العوامی فنڈ تے بھارتی حکومت غی طرفوں مالی مدد کی جے گی واضع رہ جے اس سکیم غے تحت محکمو دعیاتی طور ور مالیاتی مدد دے غو تاں جے مابی گری واسطے خصوصی جگہ تے مچھلی پالن واسطے مرکز تیار کیا جاسکیں جس غی مدد نال مچھیراں غی آمدن دودی ہوسکے گی۔

IPL

آئی پی ایل کرکٹ 2025 مانہ لکھنؤ سپر جینٹ آخری مقابلہ تیں باہر ہو گئی کیونجے گزشتہ رات لکھنؤ مانہ سن رازر حیدرہ باد نے انہاں نانہ 6 وکٹاں تیں ہرایو۔ سن رازر حیدرہ باد نے 206 دوڑاں غو ہدف 18 اشاریہ 2 اوورز مانہ چار وکٹاں غا نقصان ور پورو کرلیو۔

NEWS READ BY MOHD ASIF LODHI
EDITOR KUNAL SHRIVATSA
TECH ASST CHAKSHU
SKILLED RAJAT
DEO NUSRAT